

Aningaasaqarnermut Ataatsimiititaliap suliaq nr. 01.31.06/08-00340 pillugu tallimangornermi ulloq 20. juni 2008-mi aalajangiinera pillugu Naalakkersuisunut ilisimatitsineq.

(Naalakkersuisut siulittaasuata ulloq 11. juni 2008-mi aalajangiinera nr. 304, imm. 3)

Kangaatsiami Piareersarfimmi ilinniartunut inissiat inillu ilinniartitsiviusut

Naalakkersuisut **inassutigaat**,

- kontomi pingaarnermi 80.00.01-imi, Nuussinissanut sillimmatinut tunngasumi, aningaasaliissutit 500.000 koruuninik ikilineqassasut.

- kontomi pingaarnermi 84.40.15-imi, Ilinniartut inaannik sanaartornerm ut tunngasumi, suliaq nr. 090.52.032-imut, Illut ilinniartunut inissiannut marlunnut tunngasumut, aningaasaliissutit 500.000 koruuni nik amerlineqassasut.

Aningaasaqarnermut Ataatsimiititaliap oqaaseqaatai

Kangaatsiami Piareersarfimmik pilersitsinissamut ilassutitut aningaasaliissuteqarnissaq Naalakkersuisut suliami matumani qinnutigaat. Paasissutissiissutigineqartut naapertorlugit aningaasaliissuteqaqqinnissamik pisariaqartitsinermit pissutaavoq ilinniartuup illutassai pisariaqartinneqartut nunaminertamut sanaartorfigissagaangitsumut inissinneqarnissaat oqaatigineqartullu malillugit Kangaatsiap Kommunia sanaartorfigissaanissamut tapeeqataarusungilaq.

Piffinnik nutaanik sanaartorfigissaanissaq pineqartinnagu sanaartorfigissaasarneq ullumikkut kommunip suliaarivaa, tak. suliaat nammatassallu pillugit isumaqatigiissut atuuttoq. Aningaasaqarnermullu Ataatsimiititaliamit akuersaarneqarsinnaangilaq suliaaminik kommuni isumaginnikkumangippat kommunip aningaasartuutissaasa Namminersornerullutik Oqartussanut aningaasartuutissangortinneqaannassappata.

Aningaasaliissuteqarnissamik qinnuteqaammik matuminnga ataatsimiititaliaq akuersissutiginnitsinnagu ajornartorsiutip tamatuma paasinarsiseqqaarneqarnissaa kissaatigineqarpoq. Taamaattumik suliaat nammatassallu pillugit isumaqatigiissummut sanilliullugit ajornartorsiut oqaatigineqartoq nassuiaatigeqqullugu Naalakkersuisut ataatsimiititaliamit qinnuigineqarput.

Aningaasaqarnermut Ataatsimiititaliap aalajangiinera

Apeqqutinut siuliani allassimasunut Naalakkersuisut akissutaata utaqqineqarnissaa siunertaralugu Naalakkersuisut inassuteqaataannut isummerfiginninnissani Aningaasaqarnermut Ataatsimiititaliap **kinguartippaa**. Naalakkersuisut akissutaat ataatsimiititaliap ileqquusumik junimi ataatsimiinnissaa kingulleq ullunik pingasunik sioqqullugu kalaallisut danskisullu nassiateqquneqarpoq kiisalu nuutinnera elektroniskimik uunga nassiateqquneqarluni:

nch@gh.gl

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua